

**Ilay Voa Tsara Nafafy 30
Jolay 2019**

30

Talata
jolay

Fanilon'ny tongotro sy fanazavana ny lèlako ny teninao. Salamo 119. 105

Tonga amin'izao tontolo izao ny mazava, nefo aleon'ny olona ny maizina toy izay ny mazava, satria ratsy ny asany. Jaona 3. 19

Fahazavana madio

Vao tsy ela ity mpivaro-boankazo iray no nahafantatra fa tena Tenin'Andriamanitra tokoa ny Baiboly. Namaky izany tao ambadiky ny entam-barony izy, teo am-piandrana ny mpividy.

- Inona izato vakinao izato ? hoy ny mpividy iray.
- Ny Tenin'Andriamanitra, ny Baiboly, hoy izy, falifaly.
- Marina ve ? Fa iza no milaza aminao fa tena Tenin' Andriamanitra tokoa ny Baiboly ?

- Andriamanitra mihitsy.
- Tena niteny manokana taminao angaha Izy ?
Somary sadaikatra kely aloha ilay mpivarotra ; nefo avy eo dia notondroiny ny tsena heniky ny masoandro tamin' io maraina io, ka nanontaniany ilay rangahy niresaka taminy hoe :

- Mba azonao porofoina ve, tompoko, fa misy ny masoandro ?
- Porofoina hoe ? Tsapako fotsiny ny hafanany ary hitako ny hazavany.
- Toy izany koa ny Baiboly, amiko. Manafana ny foko izy ary manazava ny fisainako. Izany no manaporofa amiko fa tena ilay Bokin'Andriamanitra tokoa izy.

*Ny Teninao, Andriamanitra ô, dia mirakitra
Ilay harena sarobidy indrindra,
Satria asehon'ny Fanahinao anay ao
Jesosy, Ilay hany lalana mankany an-danitra.*

*Ny Teninao, fahazavana madio,
No manazava sy mitarika ny dianay rehetra
Mba hahazoanay manome voninahitra Anao,
Ety an-tany, ry Ray be fitia.*